



**Lescha davart il parcar sin territori
communal**

dalla

vischnaunca da Trun

Cuntegn

I.	Determinaziuns generalas	3
Art. 1	Intent	3
Art. 2	Parcadis publics	3
Art. 3	Diever da parcadis	4
Art. 4	Obligaziun d'annunzia	4
Art. 5	Cass specials	4
II.	Taxas	5
Art. 6	Taxas da parcar	5
Art. 7	Excepziuns	6
Art. 8	Adattaziun dallas taxas	6
Art. 9	Levgiament	6
III.	Determinaziuns finalas	6
Art. 10	Responsabladad	6
Art. 11	Execuziun	6
Art. 12	Disposiziuns penalas	6
Art. 13	Abrogaziun e vigur	7

Sebasond sin art. 2 dalla constituziun communal dalla vischnaunca da Trun dils 18 da zercladur 1999 relai la vischnaunca da Trun la suandonta lescha.

I. Determinaziuns generalas

Art. 1 Intent

Questa lescha regla il parcar en vischnaunca ed igl uorden da parcadis publics dalla vischnaunca da Trun.

Art. 2 Parcadis publics

Suandonts plazs e parcadis valan sco parcadis publics, numnadamein:

Campliun, s. Catrina

- parcadis sper la caplutta s. Catrina (parcella 1973)

Trun, museum Cuort Ligia Grischa

- parcadis vis-à-vis museum Cuort Ligia Grischa (parcella 1435 e 1436)

Trun, via Resgias

- parcadis via Resgias (parcella 1588)

→ *Quels parcadis ein buca lubi dalla polizia cantunala*

Trun, center communal

- parcadis avon il center communal (parcella 1580)

Trun, center da sport

- parcadis vis-à-vis dil plaz da glatsch (parcella 3014)

Trun, Uaul d'Ogna

- parcadis en direcziun dil campadi da maun dretg dalla via Ogna (parcella 1661)

Trun, Zinzera

- parcadi dado casa Riedi (parcella 1635)

Trun, plaz da tennis

- parcadis avon il plaz da tennis (parcella 921)

Zignau, Gravas

- parcadis da maun dretg e seniester dalla via avon Baselgia s. Giachen (parcella 259)

Zignau, Gravas

- parcadis vis-à-vis dil Volg (parcella 2653)

Zignau, Vricla

- parcadis da maun seniester suenter la punt (parcella 1103)

Zignau, Chilgieri

- parcadis sper via (parcella 446)

Schlans, casa da scola

- parcadis tier la casa da scola (parcella 6312)

Schlans, Gonda

- parcadis sper via (parcella 6051)

Schlans, Pansal

- parcadis sper via (parcella 6259)

Auters parcadis san vegnir definai dalla suprastanza communal.

Art. 3 Diever da parcadis

¹ Tuttas personas che fan diever tenor artechel 6 da questa lescha d'in parcadi public cun lur vehichel, vegnan constrenschi cun ina taxa.

² Velos ed aunc pli pigns vehichels buca motorisai sco era vehichels motorisai da duas rodas cun excepziun d'agregats e carannex ein exclaus da quella lescha.

³ La vischnaunca s'oblighescha buca da tener liber permanentamein ils parcadis publics sco era buca da rumir la neiv. Ella s'oblighescha medemamein buca da dar a tscheins parcadis publics.

⁴ En cass d'arranschaments ed occurrenzas stattan ils parcadis a disposiziun alla vischnaunca. Davart la disponibilitad decida la suprastanza communal.

Art. 4 Obligaziun d'annunzia

Scadina persona che fa diever dils parcadis tenor art. 3, alinea 1 ei obligada da retrer ina carta da parcar.

Art. 5 Cass specials

En cass specials sa la suprastanza communal schar reservar e schar a tscheins singuls parcadis sur pli liung temps. Las cundiziuns vegnan fixadas dalla suprastanza communal.

II. Taxas

Art. 6 Taxas da parcar

¹ Parcar in vehichel sin parcadis publics pli ditg che 48 uras ina suenter l'otra ni regularmein astga tgi che paga ina dallas suandontas taxas e depona la carta da legitimaziun bein vesibel vid siu vehichel:

color dalla carta	valeivladad	da retrer	taxa	dretg da parcar
blau	1 onn naven dil datum d'emissiun	tier la canzlia communal ni empustar online sut www.trun.ch	frs. 300.00	parcadis marcai e defini sco parcadis publics
verd	1/2 onn naven dil datum d'emissiun	tier la canzlia communal ni empustar online sut www.trun.ch	frs. 160.00	parcadis marcai e defini sco parcadis publics
rosa	1 meins naven dil datum d'emissiun	tier la canzlia communal ni empustar online sut www.trun.ch	frs. 30.00	parcadis marcai e defini sco parcadis publics
mellen	1 jamna naven dil datum d'emissiun	tier la canzlia communal ni empustar online sut www.trun.ch	frs. 20.00	parcadis marcai e defini sco parcadis publics cun excepziun dil parcadi avon il center communal

² Sut regularmein tenor alinea 1 da quest artechel valan en special persunas che lavuran a Trun e parcan lur vehichel mintg'jamna durant pliras uras sin in parcadi public. Buca sco regularmein valan per exempel persunas che parcan lur vehichel sin in parcadi public ina sera ad jamna per ir a trenament ni exercezi dad in'uniun ni beiber in cafe en in'ustria dil vitg, ni fatschentas da baghegiar che han d'exequir lavurs ella vischnaunca da Trun.

³ La taxa per camiuns e vehichels ch'ein pli gronds ch'il parcadi marcau, regla la suprastanza sin damonda.

⁴ Sin mintga carta da parcar astga vegnir nudau maximalmein duas numeras da vehichel, denton astga vegnir parcau il medem temps sulettamein in vehichel per carta sil parcadi public.

⁵ Excepiu art. 5 da questa lescha dat la lubientscha negin dretg ad in cert parcadi.

⁶ Ina imposiziun pro rata dallas taxas sura numnadas dat ei buca.

Art. 7 Excepziuns

¹ Il parcadi davos il center communal e scoletta valan buca sco parcadis publics e stattan a disposiziun sulettamein al personal dalla Casa s. Martin ed al personal da scola. Pil diever dils parcadis pil personal da scola ei medemamein da pagar las taxas tenor artechel 6 da questa lescha. En cass d'arranschaments ni occurrenzas stattan ils parcadis dil personal da scola a disposiziun alla vischnaunca.

Art. 8 Adattaziun dallas taxas

Las taxas da parcar san vegnir adattadas entras la suprastonza communal.

Art. 9 Levgiament

Tier circumstanzas extraordinarias u sche las taxas da parcar muntan memia gronda direzia pil petent sa la suprastonza communal reducir ni relaschar las taxas da parcar.

III. Determinaziuns finalas

Art. 10 Responsabladad

La vischnaunca surpren negina responsabladad per donns elementars ed enguladetschs sco era per donns caschunai vid vehichels parcai sin siu terren.

Art. 11 Execuziun

L'execuziun da questa lescha sco era las controllas necessarias ei caussa dalla suprastonza communal. Ella sa delegar quella cumpetenzza als funcziunaris communalis ni a tiarzas persunas.

Art. 12 Disposiziuns penelas

Surpassaments da questa lescha vegnan castigai dalla suprastonza communal cun ina multa da tochen frs. 1'000.00, en cass da repetiziun tochen frs. 5'000.00.

Art. 13 Abrogaziun e vigur

Questa lescha passa en vigur suenter l'approbaziun dils signals da prescripziuns tras ils uffecis cantunals e suenter che las signalisaziuns corrispundentas ein vegnidas piazzadas el liug.

Cun la vigur da quella lescha vegnan tut las prescripziuns anteriuras e cuntradictoricas dalla vischnaunca abrogadas.

Concludiu aschia a caschun dalla votaziun all'urna dils 12 da fevrer 2017.

Il president communal



Dumeni Tomaschett

La canzlista communal



Sandra Gautschi